



10038

Small red seal impression in the top right corner.

Large red seal impression containing vertical text in seal script, likely a collector's or library's mark.



Red seal impression, likely a personal or studio seal.

Red seal impression, likely a personal or studio seal.

Red seal impression, likely a personal or studio seal.

Red seal impression, likely a personal or studio seal.

Red seal impression in the bottom right corner.

匪莪詩草

會稽宥錡

匪莪草自序

先君子喜作詩不拘體格信口而出殊有

豪氣錡總角即受學詩塾師以經義為重

詩可緩學錡以父命勿敢違家素寒微無

書籍祇有杜詩一部每於文餘竊誦之已

郊

序

一

詔定天下大小試兼取排律一首錡幸得補弟

子員實東臯師評曰文近清通詩亦可學

錡自十三歲戊辰冬應童子試至庚寅

恩科鄉薦二十餘年凡遇考先君子必躬親送

接雖暑雨祁寒勿之顧錡出筆竄遲鈍先

君子立局外俟雖夜半徹明勿之倦一接



見錡必先命誦詩故錡每試窮日之力於
詩尤必求工恐無以慰父望也然所作多
應制體餘體未之敢及丙戌西江蔣心餘
師掌教蕺山於試帖外索錡詩因出越中
懷古十咏呈政心餘師首肯之鄉薦赴禮
闈不第今山西撫軍刑部侍郎明公邀同
序

二

出古北口外八溝司馬署中教公子輩嗣
又歷天津守觀察署中所作為明公家題
咏居多戊戌在都謁見寶東臯師呈所作
天津劉貞女詩質之東臯師閱訖曰直到
古人此事得此詩必傳無疑矣辛丑

恩挑幸列一等籤發四川時弟錄病卒津門收

其骨奔回面父見錡哭弟長歌歎曰此爾
弟之命也爾何必過悲四川雖遠予與爾
母俱未老俟爾補缺後予來一走觀蜀道
山川作詩以誌之今爾為弟故程限已滿
速先行予不及同汝也錡泣而拜辭遂下
舟先君子岸立望錡似欲淚下者壬寅正

序

三

月抵川省遂奉委署峩眉縣篆冬遣人迎
養癸卯夏弟鑠來川父手諭錡曰爾未補
實缺蜀道崎嶇轉徙為難今先送爾妻孥
來川予與爾母且稍待况爾兄弟輩來往
西東亦不愁家之無養也吾家故貧爾在
川為好官有令名吾心即安矣甲辰錡署

永川縣篆夏遣弟銓歸省冬弟鎧來川接
父手書曰安臘月又交代永篆上省乙巳
夏接父命弟銓代筆書曰自去冬爾弟鎧
來川後吾胃病幾危服參得痊今氣體尚
虛浙中米貴如珠爾速遣弟鎧回家為望
錡遂驚惶無地省垣坐食悉索既無力告

序

四

歸又無力遣弟向所親求得二十金托比
隣任公子寄回任公子將至彝陵遇大風
覆舟赤身奔命行李盡沒此信一聞錡已
呼天莫及矣錡自壬寅正月到川最後乙
巳在省候補一年總輪不及次臘月仍奉
委署永川縣篆永川父老憐而助我早上

丁糧得支廉百金丙午二月即遣弟鎡東
旋鎡送鎡詩曰烏鳥不堪遊子意又曰倚
門落日眼當穿此真萬里長江兩行淚也
乃三月二十六日竟接丁父憂信矣嗚呼
先君子困苦一生有不能述諸紙筆者總
為教子望子之故鎡於先君子生不願返

序

五

哺歿不奉飯含不孝之罪復何以立於人
世遂匍匐奔喪兒輩為余束裝檢得舊稿
集為一卷余時欲擲諸火但思先君子之
所以教鎡望鎡者在此姑任兒輩存之今
當服闋將負母赴蜀因錄呈

諸鄉老留別俾知小子鎡學寡問淺不得

大其聲以鳴

國家之盛而幼誦古詩稍知得失能自鳴其
一二者亦實本先君子之志也匪莪伊蒿
且以誌錡終身之痛焉爾

時

乾隆五十三年歲次戊申中秋會稽甯錡

序

六

書於匪莪草堂



匪莪草

會稽甯錡湘維氏著

越中懷古十詠

卧龍山

卧龍時飛翼

望海亭古名飛翼樓

云是壓強吳吳亡越卽亡霸

氣何易徂千巖與萬壑形勢全無殊登眺曠心目神術徒區區

戢山

匪莪草

採戢懷前王談經憶劉子清風蒲山來霸圖長已矣亭前數株竹冬夏綠如綺願結同心人栖尋問至理

禹穴

微禹吾其魚明德動河洛龍門上會稽竒氣橫碧落此中別有神愧我空探索爭傳金簡書恐爲山靈錯

秦望山

秦皇望仙人功德斯相陳蓬萊終不到篆刻封苔塵雲烟惜其跡龍蛇想其神六經餘灰燼斷碣何共珍

鑑湖

我形味媼妍而來鑑水邊白雲迷快閣紅蓮思賀舡
鑄鏡傳黃帝此事更茫然畫圖改朝夕相對淡忘年

曹江

曹江接舜江二江如倚柱江流有盡時娥心無終古
夜來風濤驚猶聞哭聲苦競渡求悅神曷亦念爾父
若邪溪

昔聞若邪溪採蓮有西子花開四照紅色白天下美
匪莪草

二

一去數千年蓮花誰復似白雲日悠悠閒浸盈溪水
雲門寺

不識雲門路行行雲氣深捫蘿步曲磴遙聞鐘磬音
禹穴烟中識秦碑苔俯侵願言托栖息觀彼浮雲心
蘭亭

昔讀蘭亭詩今上山陰道少壯頓改觀古今安可保
流泉築竹間想見右軍抱良會難再陳修名以爲寶
柯亭

會稽美竹箭由來甲天下椽竹尤竒姿歲久封霜瓦
良工識其真取奏鈞天雅自無絕世音空歎知者寡

新婚自咏 乙酉

束薪邂逅黯神傷紅葉題詩孰寄將曾覩畫眉方學

母

婦金氏少余十歲本中表戚也

今看掩面轉羞郎著書漫說香生

筆對月還同玉倚粧堪笑碧桃徒悞採人間天上永
相望

生天善 丙戌

匪莪草

三

生子人人愛恩勤我豈不讀書應有種含哺却無謀
捧檄猶多愧懸弧敢早籌承家天道在安拙漫營求

送邑侯舒入覲併省墓 丁亥

報績三年最稽山化理和公庭喧鳥雀比戶樂絃歌
祖席荷風蒲朝 天桂露多九重 優詔入三徑暫
時過 題柱名方盛瞻旌意若何叨陪桃李後還望
育蕭莪

舒邑侯 覲回寫懷迎謁

琴鶴翩翩入 覲回五雲佳氣滿蓬萊已推 題柱
同田尹暫爲攀轅借寇才北斗光隨長至轉南枝香
送早春來寄聲報與稽山老葑屋重看霽色開
霽日融融照雪幃欣逢鳧舄伴雲歸柳堤吐臘遙迎
綬竹徑衝寒待啓扉入境已看鸞復集隨車行見鹿
環依從天帶得陽春到敢借餘輝燭少微

贈醫生高沛酒

先生之先宋國戚於今家素徒四壁好古獨精黃帝
匪莪草

四

書但逢岐伯爲勁敵余向善病叩君門門前舟輿若
雲屯任人攜取橘井水囊無剩錢祇酒樽兒女叫號
聒兩耳先生靜坐笑而視對君淡泊心渙然勿藥已
得長生理

輓商寶意老先生步北行留別原韻四律

時卒於滇

在沅江府任上辦
征緬匪兵差也

一從顧盼過荆扉萬里長行竟不歸北別詩留新句
在南征鶴化舊人非直忘邊地丹心苦寧畏山靈白

髮議盡瘁自關臣子事寸私那禁欲霑衣

忘年一進手親攜樽酒高談日欲低踈節頻煩懸榻
待遐心嘿慰伏衡栖才名未許同馳騁文陣曾叨特
品題雲路茫茫悲冀馬而今市上向誰嘶

詩家老豈博名榮一語常令四海驚花下幾曾停綺
席星零誰爲守殘枰風流空負歸園譜壯邁難酬勒
石情回首與同歌咏地不堪衰草肅霜盈

公有歸園圖一幅

三苗猖獗未全收南詔人民似昔不直欲洗兵天漢

匪莪草

五

側已悲墮淚峴山頭六師指日旋歌凱五馬無歸夢
嘆浮垂老身殲留壯氣廓清瘴癘絕邊愁

賀劉乾秉郡試第一 戊子

第一枝栖在上林錦標拔郡亦何心幾更獻璞徒增
泣才得驚人小試音東越價高椽竹賦

覆試作椽竹賦壓郡西

園香發雪梅吟

劉氏有西園爲吾越名勝

從看揆藻摩三殿不爲

劉蕢愧我深

上蔣院長十六韻

西江才獨擅東越望羣延懷抱觀今古精華揆日天
汪洋厓際泯瀟洒俗塵捐獻策非于世爲舟欲利川
九霄頻鼓舞三徑轉畱連淡素安歐母清歌並謫仙
浮雲看富貴披霧集英賢蘭渚春風度鷺池活水沿
青衿慙落拓絳帳俯周旋困學違多俊踈衷慕哲先
問時憑譽笑行路辨方圓惜羽常窺鏡培根不計年
孤飛聊漠漠特立自乾乾一過提携切相依慰誨全
寧關聲價倍却許性情聯願與聞真樂虛名豈足牽
匪莪草

六

頌寶鎮台

時在越爲協鎮

翩翩名將古儒風緩帶輕裘表越東八百鑑湖帷帳
下六千君子指揮中太平氣象長無事坐鎮從容不
論功聞議築壇資 廟畧應逢 丹詔日邊通

送戢山蔣心餘師之山左步畱別原韻八律

兩度來遊歲幾何名山聽講駐雲多春風自愛吹嘉
樹古屋新看長綠蘿無奈東芻悲秣馬欲爭落日奮
揮戈寄聲爲問東山士奪我先生爾則那

得侍經帷松鶴羣傳衣夜半忽星分越東講地空留
雪山左儒林若望雲千里心源仍咫尺一時淚落各
紛紛登壇部勒新文陣回首應思用趙軍

半居半仕不違親蘿薜簪纓共夕晨壽母承顏安有
素鄉朋講誼飲如醇白雲高卧迷三徑薄海蒼生繫
一身此去聲聞動朝右肯令太傅老山人

西江才子越東師風力高騫古昔期海內文章問誰
擅壺中冰玉只心知登門非爲爭聲價望岸由來積

匪莪草

七

素痴安得稍清塵俗念扁舟共泛莫相離

祖席維舟鑑水泓去畱有義各相成探書已括稽山
秀習禮寧遺魯國生自識大夫忠敬意那堪小子別
離情贈言金石多清切讀未終篇盡咽聲

困抱敲磚敢曰文請纓弱冠愧終軍自知蹇劣安蓬
華會許飛騰待雨雲此別行藏卜誰定百年心事迫
如焚尋常聚散猶多感况復生徒苦失羣

三珠樹列兩行偕幸得書帷首共埋池有鳳毛慙比

美庭陪鯉對話堪佳柯亭袂拂千條柳泰岳雲興百
丈厓一路淵源晨夕近獨悲落拓望天涯

眼送行舟淚滿襟山亭芳範足追尋桂風香聽三秋
信竹露清垂兩載心望隔江潮迷去住夢思日觀共
登臨相期努力春光好敢忘離絃錫我音

送王千驥會試

三載飛鳴共寂然一朝健翮忽摩天非關垂翅余何
却已幸揚鞭子着先東越景畱薪獨卧上林風待杏
匪莪草

八

爭妍扶搖九萬無多遠竚聽雷鳴報捷聯

盈盈桃李手親栽青出于藍敢信哉自問性宜安我
拙誰云天欲老其才效顰漫思同車度題柱行看駟
馬回且向春林占第一不須徹骨待冰梅

題畫竹壽舒邑侯

維梅曰老維松曰壽竹與爲友挺然獨秀勁節直達
瀟姿出塵允矣君子垂蔭我人爰過其庭被風斯化
其色菁菁無冬無夏五月清涼脩篁座閒霞杯泛影

悠然南山

送山陰祝邑侯入

覲已丑

蓬萊仙吏整朝儀，琴鶴翩翩獨遠隨。
江渡錢青風景好，秋承金闕露華滋。
三年輿論何須問，一片冰心只自知。
此去定當膺帝簡，大官特重老成姿。
行旌望望動江干，綠水瀼澗感百端。
腐草文章何足重，蓬門禮數數邀寬。
三秋香蒲朝天袖，五馬花迎指日看。
看好待恩膏，遍東越雪窻早擬振春寒。

匪莪草

九

送舒邑侯陞任乍浦司馬

天詔優賢牧仙官，晉羽儀蓬萊供祖帳。
檣李迓褰帷治報三年最，才非百里資鳳毛。
聲早遠，驥足力方施。練達能誰並，循良績久羈。
五遷花浦縣，廿載澤周時。入覲承廷對，從容拜陛辭。
題名膺國輔，佐郡爲民咨。纔訝何來暮，偏令速去思。
慈和真衆母，儒雅信吾師。禹穴懷明德，曹江肅孝祠。
絃歌編戶徹，鳥雀訟庭窺。堂上春風鼓，壺中霧縠披。
文章親指畫，詩酒

示襟期况復蒿萊質叨陪桃李姿性原安蹇分躬敢
掩瑕疵困石逢多懼登門進不疑鳴琴常侍暇皎日
絕干私面拂塵埃積心含雨露滋愧無奇士行空負
好音貽白屋居仍冷青雲附莫追佇看鴻日漸旋見
鹿雙隨望歲嘉禾境攀轅鑑水涯秋香飛驛路清餞
挹淪漪濟濟諸生列依依父老垂行旌司馬盛別浦
部人悲念切栽培篤恩畱草木知總然多拜面竚立
已神馳

匪莪草

十

賀劉乾秉入泮

爲報西園綺席開興飛不速笑含來十年採戡頻携
手今日歌芹一泛杯窓外松高秀冬嶺庭前梅老占
春魁瓊林玉樹天香滿終待凌雲獻賦才

詩名少小越中傳潦倒從來欲問天抱璞未經三獻
泣驚人那得一鳴先臨池垂翅常珍羽破浪乘風此
着鞭頓使座間游倦客高歌醉起舞翩僊

北上畱別楊魯璠先生原韻

庚寅

十載心儀一識顏又無半日伴清閒文章報國思多
赧藜藿辭親淚欲殷鑑水綠留漁唱響京塵紅逐馬
蹄班何時得與商山老古栢蒼松手共攀

題八溝明司馬杏園四律末寓留別 辛卯

杏堂

有美堂開杏苑新花枝映酒坐紅茵共知古北長城
外不讓江南二月春地重股肱常近日庭喧鳥雀淨
無塵塞翁報爾諸人道邊署而今異昔辰

匪莪草

七

平臺

平臺一望曠無垠會想承平掃積氛 雙闕笙歌雲
裏識萬家烟火曙中分青松掩映蘓卿廟荒草淒涼
降將坡寄語西南尔小蠹百年涵煦久同文

假山

扁石巖巖似掌擎忽然平地觸雲生指揮豈有移山
力點綴還疑積雪輕樹挹烟嵐通戶翠座分絲竹助
音清名園不是供風月謝傳難忘邱壑情

草亭

爲築茅簷野鶴停
審堪容膝客心寧
一枝暫適蓬麻性
羣玉能供翰墨馨
寒盡邊城驚歲晚
春回塞草喜階青
東風催我馬蹄急
把盞明星惜此亭

留別經綸

壬辰

文章有神交有道
此語今人棄如掃
臨岐携手發一言
願子靜聽勿草草
丈夫會生天地間
肯令悠悠似等閒
富貴功名何足論
我將進子及古攀
從來詩書

匪莪草

十二

爲糟粕况復脂粉與丹堊
彼諛此笑出肺肝
翻雲覆雨相銷鑠
君不見育左腐史下筆時
字字欲活動鬚眉
君不見李杜韓柳交結知
千里萬里寄箴規
飢來驅我出門去
問心事事多易慮
恨不讀破萬卷書
覩然挾策干時譽
喜君少年復美才
意氣壁立懸崔嵬
致身青雲所自有
且忍磨礪毋輕摧
古人風誼我空負
惆悵明星把尊酒
羣季俊秀皆惠連
均茲一言勉

共守

留別幕友汪大樞

偶逢在京華同車出古塞風俗頗不惡 王化無外
內大哉至聖言忠信德之載參前與倚衡所行自無
碍腐儒受性迂安寒忘愚昧得近芝蘭室朝夕負提
誨雖非漆與膠夙昔戒涼背春風催我行樽酒暫相
對會面應有期贈言當解佩世路多艱辛努力各自
愛

題金子小照

匪莪草

三

與君偕總角來往讀書堂仍蔭柳枝色已添兒女行
披圖春淡蕩對景興蒼茫靜坐觀垂釣求魚豈必魴

在後梅館題扇上木桃紅梅

癸巳

漫說瓊瑤報祗堪永好留珠圓孤伴月實大飽經秋
花任風來綴香仍暗處浮珠藏已三載不敢向人投

題水墨牡丹

胭脂工自有國色淡偏妍抱素應悲染濡雲却任天
春香仍獨貴鐵骨換如仙但問人能愛何妨冷眼前

生天嘉

一子還愁養何堪再育男傳經難自信擁絮却無慙
原鶴心常戚庭槐感倍含初生當命哲卽此教呢喃
代陳羽翁題沈老海蜃圖照

壯遊分袂歷今茲海蜃樓臺憶昔時省識畫圖渾似
鏡笑看鬢髮各如絲君能述夢醒非幻我尚啣杯醉
未知但問波濤馳涉者滄桑一粟欲何爲

樓母七十節壽

匪莪草

十四

暨陽趙子煊直諒是吾友來云祖老姑節壽今樓母
敬請先生文序頌垂不朽執筆無諛詞趙子知我厚
序貴存實錄頌亦使可受子且陳其真一一紀賢婦
煊言曾大父於越儒林首太君其次女敬戒侍母右
相攸莫如樓家風正匹偶秣馬吾族歌于歸一十九
歸相金鑑公勵志青雲守女紅無不爲爇薪縑在手
諸娣猶伯姊爺娘視姑舅至今祭祀哀不異新喪後
中饋主大賓壺漿洽隣叟雖無鬢髮嗟衫濕剪春韭

至今老僕婢甘苦同井白嗚呼天不吊中道喪夫耦
卧蓐十餘載躬藥衿露肘作婦亦作男內外皆无咎
子女遺四人婚嫁俱不苟冢男復無祿天道果信否
母曰天何心衰薄自戶牖老婦且未亡敢遽棄箕帚
寡媳與穉孫竭蹶給升斗狀聞余暨人淚灑浦陽口
阿母今已老神氣尚清瀏艱險旣脩嘗康寧協胡耆
丹顏盛輝光白髮淨纖垢設悅七十辰脫杖階庭走
次男郎某某文爲先生取諸孫見頭角嶄然形物繆

匪莪草

五

焮也本孫行湯餅承手剖寄塾二十年百端盡善誘
同學多感恩欲報愧瓊玖願入琅玕篇共土爲母壽
余聞亦何言子言良不負頌禱夙未工朴直勿自醜
古來稱婦道非儀兩無有子言淡彌旨母德虔且糾
天地大輪廻苦節能獨久勿見松栢姿霜雪殊蒲柳
勿見金玉質煨礪殊瓦缶慎勿羨神姑胡麻香作糗
慎勿望王母羽衣降介酒山有如絲苧湖有如雪藕
願母體著輕加餐滑甘滲北堂長日月高坐對岡阜

繞膝培桂蘭迎鸞鷹

誥綬拜母阻路脩作歌當尊

卣

哭李萬青

癸巳梅村館舍檢舊稿得李萬青從
遊代錄筆端楷如其人渠折於去夏

余未北回觸目
酸心撫卷欲絕

龍山風雨幾經春

李萬青於庚寅年
從學龍山書院

滿紙淒涼墨尚

新得失自知心月印端凝獨立述天真敢云抱泣悲

和璧那忍回思用趙人一斗生平珍重淚于茲掩卷

盡霑巾

匪莪草

壽蕭山毛潤之

十六

絳帳開初秩西河誰與倫

奇齡先生其伯祖也

少微山上客

縣有少微山

白鹿洞中春設醴知賢主稱觴集友人毛公

老經術結社喜相親

時余同館後梅

汪復齋行述

錡昔總角日耳公頌紛紛系出平陽舊吾浙大人文

自度無由進十年飢渴殷金鞮吾譜友北上携同羣

日公是父執行行詳告君首言公令德孝恭敦克勤

髫齡及垂白孺慕終無分
黻忝猶子列出八規誨勲
每道本根撥何論蓋世勲
三公與一介天地共氤氳
或曳桓綬紫或被萊衣紋
或調牲鼎味或荐藜藿芬
或愛北堂日或瞻太行雲
窮通貴及養風木徒蒿蕞
小子宜敬聽語訖淚沄沄
公才本騏驥文陣常剋軍
神骨含左史奧義浸典墳
雖無諧俗韵落筆共賞欣
爲承牖下志寧老弟子員
和風沐閭里善氣盡蒸熏
施濟非激烈純白絕纖氛
稽田服心力百世足耕耘
匪莪草

七

長男名某某著績岷江濱
仲某季郎某藝苑騰聲聞
孫曾盡蘭玉 誥錫頻元纁
公曰予何勘天道豈斤斤
欲報苦不早桑榆已微曛
公德愈謙謹公後愈宏
責再言公多藝錫類思勿替
每於誦讀餘釋典通性
慧精研岐與黃起死難數計
切寃察與賴救貧望如
歲余聽未終詞余疑願再諦
乾坤旣開闢人生必有
衛古帝創飲食嘗藥制天癘
公施橘井水誠哉存普
濟佛氏耽虛空曠達無俗翳
所以風流儒逃禪醉中

契地理利民居葬經古無誌死者如有知與土亦無
係地吉骨不朽古墓今誰砌地吉家世昌古樂今誰
繼卽如郭景純其術甚蒙蔽父祖埋殺鄉不識自遷
瘞未卜孫子興身先受橫殪此中云有天此說復何
繫汪公絕世資母乃爲所泥金子曰不然公志非爾
逮上世委親屍中古定葬制固不語陰陽亦不講形
勢後世漸卽滴永終當知敝設警禍福機溝壑免蠅
蚋公推孝子思潛廣仁人惠余聞渙釋水頓開心局
匪莪草

六

閑相期子爲介返浙問真際辛壬逐京塵落拓偏留
滯蒼茫歸激昂哲人已云逝典型猶夙昔山川咽陰
曠老成復幾人數感每增涕面公且無緣愴深濕盈
袂執紼發浩歌散作青霄嘆

哭王老夫子

公諱源孫字潛瀾府學生
壬辰臘月卒癸巳長至葬

吾道分中古斯文載獨明帝王承間氣常布集羣成
統脉垂千載支流灌一沕哲人日云逝曠感結幽情
况復眞師弟而當訣死生心喪年易盡天問事難平

迹撫蘭亭遠音遺鷺館清山陰功再造孤竹節彌貞

曾祖遂東先生稱王山陰明末自號採薇子室顏孤竹共識忠臣裔尤推郡望

名泥塗巢舊燕奄息繫家聲獨荷曾孫重頻懷七鬯

驚青衿甘水傲畫錦任時榮非傲踈侯貴因恬守讀

耕無毡溫座客有鯉供晨羹義易塵床抱槐堂素手

擎曹碑新琢玉立曾祖殉節碑二處胥廟創飛甍建專祠一座墮淚

思先德含悽盼後英曉音堅竭蹶瘳尾慘經營肯構

惟躬責窮途敢罷征著書忘卒歲待問必開誠憶自

匪莪草九

髫齡日初隨杖履行再三培植厚二十暑寒更毫髮

攻吾憾微茫析理精每云詞有體且漫病司衡指畫

秕糠掃吹求冰雪瑩淵源等螺測得失異心盲暫引

秋風路相期萬里程崎嶇附騏驥落拓拜公卿力薄

終垂翅才庸愧請纓迤邐知我素慰誨寄懷傾辛壬下第

在都夫子夢寐愁星隕悲歡接涕橫壬辰秋歸見龍夫子已病憊

鍾猶几硯潦倒困柴荆原憲貧皆甚服虔老更并八

句持介石併日屢呼庚正斃常朝祝夫子自題小照有得正斃之句

歸棲念祖塋摧頽傷厦木零落覩殘枰二子危風雨

諸孫盡弱嬰哭庭祗一老老友錢浚明先生扶服甸甸字通幾宗

盟萊婦絃辭早黔婁謚孰評門牆衆桃李裘馬夙肥

輕聚散形何定升沈數莫爭賢哉伯趙氏義重壁連

城慨泣偕同學淒涼奠兩楹棺榔衣衾夫子生前自具餘喪葬之資趙上珍

主任袁坦周應鳳助辦仙桃遺卜久夫子自卜葬于東門側古栢

積年撐月共鳳林照遂東公殉處去仙桃不遠溪仍邪水滌悠悠

臨入窆寂寂送歸紡築室哀能幾飄蓬意轉縈霑巾

匪莪草

二子

烟塚渺回首肅霜盈避穀餘黃石齊殤視壽彭茫茫

憑大化聊爲寸私鳴

哭金紹剛表弟 甲午

我母弟爾母爾舅兄我舅我翁爲爾伯爾姊爲我婦

爾父我猶父視我猶爾厚爾死我早知我哭爾知否

憶昔二十年壬申寅建斗我時已成童爾時生初受

我父慶爾父我母賀爾母衆戚喧盈堂聞爾呱如吼

皆喜懸蓬桑且信長壽耆命名曰阿福美我與我耦

總角來我家問字攀我手忽至十六七居然成人偶
皎皎玉樹風濯濯春月柳聰明非絕資學問堪循誘
神哉吾夫子時年七十叟

丁亥紹剛年十六
受業王潛瀾夫子

老眼靜

生明相人非術授曰爾中表弟品字殊瓦在但恐面
太光生不滿三九聞之暗驚心脚之畏出口獨子情
可憐庭訓最孝友貌取終或踈于理宜无咎辛壬滯
京師逢人問車右問爾知爾強妻兒不復叩落拓垂
翅歸扶病爲爾走會面幸無恙窮愁俱何有誰謂竟
匪莪草

三

如此天問向誰剖痛痛望遺腹哀哀哭白首故交零
落多闕歷傷時久况屬至戚恩素心更多負茫茫身
世間此恨應不朽

張新一暨配何氏傳讚

傳另載

聿有崇公乃有歐母公命不長公德孔厚人無間言
張仲孝友藐藐遺孤哀哀寡婦九熊卧薪是教是守
中道復摧匪莪疾首爲問彼天報誠爽否桂枝晚榮
蘭芽日茂子子孫孫大開厥後

臘月解館將北行畱別梅湖諸友步原韻

衝寒嘶向朔風行把盞龍橋唱渭城月待花村春社
好霜催征騎曉山明贈鞭敢負諸君厚入漢全忘一
羽輕前路升沉何足問論文樽酒不勝情

輓趙明遠十一丈二律 公諱焯 乙未

世家趙氏望江東鄉老何人得並公共仰連城傳璧

重忽驚騎尾向天空省園夢覺三春月 公手造省園
為越城名勝

樵逕仙歸半榻風 公卜葬於黃包
山與樵風逕通 多少往來名下士

匪莪草

三

應悲寂寞越城中

憶從總角儼登堂三十年來髮欲蒼同學早承諸子

列 令嗣名上珍
余同學十年 半生已負丈人行束芻敢致清風古

執紼難畱別路長 余將北上不
及執紼為恨 帆影斜懸雲斷目乘

潮揮淚渡錢塘

題天津太守明公射獵圖照

天津太守承 天章家世戚第新黃堂中懸射獵圖

琳琅我一見之興欲狂辛卯始與公相將驅車古北

出塞疆歷踰天門青石梁八溝治同內地良爾時秋
高馬正強陪公觀獵南山岡公子在前公中央騎從
紛紛如雲驤大郎眉宇神威張腰帶羽箭能用長麋
麋俟俟突麋麋公曰左之翻身當六郎七郎美而昌
指揮相向兩頤頰小手據鞍是九郎看兄持發思翺
翔愚哉狡兔徒奔忙爾物何能若處囊軍吏短箭亦
擅場應弦微中顛且僵豈無狂兇與貪狼不敢當道
久遁藏習禮講武古所詳風毛雨血仁有妨公曰歸
匪莪草

三

與禽無荒振旅返旆道炫煌論兵馬上析毫芒公子
並聽從我旁此景與公心未忘此圖宛然神飛揚公
祖國初張子房厥父伯叔郭汾陽郎今金逆頗獷
猖三年未克纍撻槍特命將軍帥西涼將軍兄卽
公雲莊公號雲莊胞弟
明將軍名亮其餘參贊均弟行參贊如奎
公福公皆
公同祖弟也餘不記一月三捷報我皇直搗匪穴易驅羊不

庭訓肅穆借躊躇加以學道多謙光折衝才器儲巖

廊區區狐兔奚遑遑堂上喜觀騰驪黃郡中且告集
鳳凰我欲投筆尚傍徨將爲公頌銘太常

奉酬明太守慕謙

避席因賢路

時有尊客
余因避席

驚心獨主人招邀紛四馬賓

從望三津舞袖斜揮日歌聲冷轉春座迎虛左久旅
食愧難陳

題顏真卿書麻姑帖後贈經倫生日

麻姑仙迹魯公書一紙流傳二妙儲指爪纖長思鳥

匪莪草

五

似筆端屹立望山如滄桑記世言多幻字畫從心美
不虛持贈非同圖進酒君年恰好助三餘

題明公松鶴圖照

股肱名要郡卧理藉清資五馬津門度單襟粉署披
畫圖常自照風雅亦吾師非買南山隱居然北牖思
聽松濤滿幅種竹蔭垂池適性依馴鶴迎機識侍兒
玉完常手執茗苦愛心滋方面 朝廷重天真黼黻
遺抽簪原未許緩帶略同儀家豈榮衣錦身無失素

絲織塵飛不到逸度望難追頓愧邪溪客青鞋走欲
疲

寄輓陸五兄禹昌

諱謙

惜別梅湖淚未收少微驚墮越山頭死生今古交情
見南北烟雲世事浮酒每爲君拚一醉文能知我足
千秋何堪重憶陽關句挂劍空思到墓邱

飄零書劍未能歸泉路茫茫心更違諍友自知慙古
昔論交豈必感輕肥將雛有室危陰雨呼伯誰同

本詩

匪莪草

二十五

靡所與同句

撫式微無奈三年舊賓客雲山遙望一霑衣

聞經綸生子

丙申

素心憐爾獨生子竟居然同日賢如祖三朝巧信天
明公亦七月初四生
日經綸子其姪孫也
鳳毛家有種詩律父能傳燕喜
諸賓客銜杯感最先

附經綸答詩

昨夜熊羆夢生男駭果然乍驚身是父有感恨終
天最慰孤兒意能承一脉傳津門日東望此信報

宜先

聞沈凱於連鎮路謁明公與金存恤有感而作
故人猶有子太守自能賢喜見存孤典遙聞涕泫然
有懷二舍弟銓

獨坐懷吾弟辛勤奈爾何鵲鴿雲外戚鴻雁夢中過
貧自依爲命生當相見歌庭前有荆樹問發幾新柯
題畫扇隔牆梅爲沈凱作二首

帶冷無言獨有神含香早吐一枝春隔牆報與隣芳
匪莪草

三

道公等從今可向辰

骨本凌寒勁香連隔院和非關春意惱開艷短牆過
題白梅花扇爲沈凱作

人矜仙骨傲我愛素心平幾點枝頭綴春風蒲院生
送巡漕孟御史回京 復命

聞識孟夫子朝中有直詞泰山嚴氣象南斗仰師資
冠獬 廷誰犯行驄 陛暫辭津門瞻日近素簡挾
霜馳河伯風無訟漕丁力忘疲巡流持節重探穴愛

書奇質愧東南箭光親繡斧儀敞裘甘落拓投羽畏
差池一過驚人眼三秋起卧思宅非嚴武築舟共李
膺移 使命星趨述幽情野望遺長楊未工賦恐負
大臣知

題傅子小照

人之初生維質與直直則理順質則本實哀後人斯
浸淫蕩軼且且斧斤形狀性失惟爾傅君天民之匹
祖始從 龍身延弁秩以勤以循遑敢自溢衣冠朴
匪莪草

七

茂笑言寡吉顏猶栢蒼髮猶樹漆問年非忘養生非
術老友在鄉老妻在室三男嶄角諸孫長膝弓素手
柔譚尤中律太守所重公子契密傅君之容梁君之
筆鬚眉栩栩古邑若一我詞無諛我情無匿維厚是
崇維薄是黜爾形罔奇爾行堪帥爾子爾孫誦我贊
述

戲贈畫師梁越雲

絕技從來死後傳問君此語信云然何須更買長生

藥速朽欣同羽化仙

首句梁自味也今漸老矣其意有不釋然者故作此解之

贈別沈凱

刮日期相見愁眉又別離孤寒應共翼
跣弛尚難爲津樹浮雲裏秋衣濕露時
艱辛嘗欲備前路慎驅馳好矜師自任
甘爲少年啞善馭慙無術親提苦蓑資
波濤思險止雲雨望春施奮翅從茲去
毋令再折垂丙申嘉平鎮川明將軍帶領土司八
觀長歌

誌盛

匪莪草

三

皇帝四十一載冬將軍定川奏膚功訖誅渠逆廓
幘幪總持衆會趨朝宗蠢彼金匪肇桃蟲趨趨草間肆
莽蜂負嶠依險敢自雄辛壬連載抗天攻帝命將
軍輔元戎爾祖爾父世勇忠今爾諸弟皆罷熊爾往
率之用命恭將軍陛辭跨鐵驄家門不過飛騰空
直走萬里氣貫虹獨當一面勢破風協贊分猷善虛
冲勒兵部署嚴且工骨肉親陣性命同士卒感泣爭
前鋒采入其阻闡混濛金沙長江刮耳峰浮罌裹毡

身臨衝手揮指射抵廬穹招搖大軍得會通搗盡巢
穴窟伏窮纍纍檻車縛置重蕩清無復遺狐踪一月
三捷報 帝宮全師歌凱今春中告成 皇天登岱
封郊勞猷俘典曠途 帝命將軍後事崇畱守莫善
如爾躬充國老謀慎克終定遠綏略簡易從西人銷
甲咸力農自春徂秋已樂豐 帝命入覲恩數隆五
年不見心忡忡草木霜雪幾度鴻拂塵稽首親宸楓
土官率舞於肅雝懋哉懋哉時乃庸憶昔馬下曾拜

匪莪草

三九

公輕裘緩帶詞雍雍學道謙讓能有容爲 國長城
倚崆峒從茲靜鎮懸鐘鏞威暢化洽並濟洪北極元
冥南祝融流沙之西扶桑東喁喁向慕羣呼嵩大小
奔走集球共守在四夷歸 帝衷永戢干戈永櫜弓
贈星士劉大邦

西江劉子善談天萍遇津門一問川富貴自吾祇在
壽文章憎命有何緣君平賣卜炎中隱果老觀星靜
裏仙世路崎嶇多競逐願爲指點泛虛舡

和倫生日二首

始見成童日居然及剋時旅人應老大公子善驅馳
涼納荷風淨香連桂酒滋翩翩共賓客絲竹奏遲遲
賢父誠堪樂佳兒不易爲懸弧四方志能御大夫詞
世閔宜循禮前年早誦詩如吾一日長已畏後生姿
天津送別王秋浦之定州幕兼呈孫使君

吾越多俊良吾子實挺特三年同津門切切益諒直
于今有遠行分手能嘿息定州古中山形勝自堪識

匪莪草

三

主賓舊東南論議自相得茲地當要衢長牧膺劇職
征西連用兵出入頻經域去春奏凱旋應接皆民力
所賴賢使君體國培植大幕資匡襄君才克艱棘
保障與繭絲古訓尤足勅願加恭謹意勿愧吾鄉邑

簡天津縣金明府

丁酉

緩步出南郊清和景轉勝父老四五人要我誇新令
津門大都會三輔茲最盛其地舟車衝其利魚鹽併
其人柔忍多其俗繁華競物極熾而豐公私近交病

我侯甫下車百弊力爲更急務在通商旬時章約定
貨貝官不知詐虞爾自傲海市一聞言歡騰如響應
合浦珠暗還玉環誰敢請君看北關衢往來塵亦淨
胥役聲寂然強梁迹全逆案牘擴滯留鼠雀失巧伎
每於外庭上與衆並簡聽獄中有士人枷鎖同暴橫
其情實冒昧其罪因嫁贈新令入視囚巡問淚流亘
疾馳見上官立脫遊魚甌士氣頗得揚衣冠集相慶
不爭赫赫功事若動至性從此植期年津民可立命

匪莪草

三

願君告我侯但毋忘初政

劉貞女詩有序

劉貞女昌平人也自幼隨父

諱登庸

在京許於

淮安程生

名允元

爲室旣隨父任蒲州罷職後

寄寓津門父母繼逝兄弟併亡煢煢無依附

居城北梅家菴數十年程無消息堅守以待

今年丁酉夏五程生訪至告情官長太守明

公邑宰金侯爲主其事畢其緣二人年皆五

十七矣從一而終女子之常但數十年來人多流說女不爲動備受艱辛女不爲怨可謂曰貞余適在津爲賦始末俟登志乘亦以見我國家惇信明義涵煦於百年之深也詞之工拙有不計焉

北方有佳人生本鸞鳳質父母掌明珠保抱求鳳匹南國得公子同庚復同月坦腹甫七齡通媒許結髮一去五十年茫茫無消息人言多錯迕女心惟貞一

匪莪草

三

其事甚酸辛其緣甚竒絕其父劉刺史其舅程觀察相好在部曹相定在京闕倏爾各分飛從茲成阻遏劉出刺蒲州携眷就祿食程告歸江淮挈男同拜別呈上雙鳳釵宛轉雙飛翼約待十年後親迎完琴瑟女隨父母行教誨不離膝十歲知詩書十三知禮節針繡及中饋事事學精密顛沛祗斯須父病遽罷職承籍自昌平無家歸不得依戚來津門寄居趙氏室父母遂繼逝兄嫂併殞歿兄子復不才飄零至蕩滸

聞程亦罹孤知事當磨折如何單女身處此他族逼
城北梅家菴清靜宜閨闈其尼名照鎮道理頗粗識
與之偕起居老成保無失二十春淡粧照耀津水側
衆口增是非鄰姥奔傳說程郎薄祿相去年致短折
人生各有命男女倫正亟此鄉有宦官公子甚英特
文高衆聲誇容美冠玉潔家中富金珠百事皆莫缺
願言結絲蘿幸勿生疑惑阿姥請勿言女亦薄祿極
人生各有命富貴誰能悅程氏無尺書死生焉得實

匪莪草

三

程郎果云亡女卽捨於佛兩家盡淪喪自分定休歇
端居閉內戶跬步不復出沉沉又十年凜凜無虛日
鄰姥背面嗤見面雜亂聒程郎雖尚存老大徒契濶
女子守小信丈夫意氣豁况聞早有婦兒女已盈闈
如不忘舊姻應不遑飢渴劉門著顯宦豈曰難訪達
可惜千金軀青春空度越多謝阿姥情爲我常切切
謂郎尚未婚此語何敢必寧郎負女身父命女敢滅
寧女作廢人 皇綱女敢裂請再寬十年爾時女自

決鄰姥頓起身發話面微熱貴女真從容老婦原饒
舌但願婿來迎老婦襦代結夫婦未識面恩義奚膠
漆善持蒲葦紉磐石固如鐵十年復十年外言母敢
入往來巷中女通問謝默默茶苦甘如薺秣糠雜作
粒月照機聲哀霜霑羅袖濕每於女紅暇經史嘿誦
習終朝無歡顏亦不見感類獨坐無所思亦不聞嘆
息老尼對衆言行路俱激烈安得致其人問之消鬱
勃程郎心至誠其才實不力三度上京華追尋跡泯

匪莪草

五

沒反覆探目平指點搥恍惚蹉跎四十年別議堅拒
拂爲後有長兄此行應末訣長途隨漕艘沿訪歷空
發泊舟西沽濱天假得髣髴叩巷遡從由老尼喜報
述女言師何愚世情幻叵測程郎向無音生死焉得
實女心久成灰師德慎有卒程郎愧且悲欲語氣還
塞告情乞縣令委曲陳巔末縣令遣人來女詞更婉
悉程郎生甚幸女弗堪爲媳感郎區區懷彼此昭若
雪今請聘少年得以延瓜瓞令馳白太守此緣如何

畢守曰予素聞劉女貞以哲程生孰爲憑從來娶會
不仔細重推求庶勿悔臆率漕弁挾運丁聯詞舉靡
慝長官主大義卽選本月吉太守贈紅羅縣令貽翠
飾遣婢侍畫眉粉黛亦淡抹熒熒開粧鏡光輝照清
徹頭上雙鳳釵宛轉雙飛翼所驚華髮改碧梧老秋
色回頭視老尼舉手相持泣女子初入菴女師未四
十女子今出菴女師七十七翻思前日痛豈意今猶
活父母生我時畏我年壽猝及早擇佳壻終身恩已

匪莪草

三五

訖女實無愆行士亦非爽德人事有乖違天心何偏
仄行行效雙飛去去待同穴依依望舊居脉脉轉嗚
咽簇簇看新婦盈盈盡霑臆寄語四海人聽之共敬
恤

題麻姑進爵圖爲明公雙壽

戊戌

維嶽降神申甫及公聿有天孫來輔來同赫赫厥世
煌煌厥勲爲國巨室今古莫羣高曾崛起萬里從
龍繼繼承承大啓爾宗公之嫡姑 帝后是享公之

諸弟 帝子是尚乃祖乃父伯父伯兄曰將曰相爲
公爲卿公尤挺生克自折節勿任勿資光於前烈總
角鬢蜚弱冠寓直出任邊疆威行古北 帝時巡狩
召問雍雍對揚稽首懋哉乃庸析木之津渤海之濱
股肱畿郡來宣來旬乙未之夏于今三年政成人和
父老具前儒雅吾師惠義衆母酌兕躋堂爲大夫壽
帝有恩命守土旣賢觀察特重晉之用虔峩峩豸
冠誰不率從學道謙讓休休有容強仕服官方將未
匪莪草

美

艾恭人令德正位內外兩案奕奕五桂芬芬仙姑進
爵王母停雲曰彼庸人壽在養身惟爾大人壽在養
民詒爾嘉告介爾景福子子孫孫永聽維服

教二劉認字

爲人須識字字盡爲人義汝於童僕中最少昧世事
雖屬中下資生與草木異古來主僕恩分等君臣契
渾樸日以遠大小役以利几硯宜略親詩書能益智
况如今年荒飽食亦非易貴賤各有命勿爲天地棄

將南歸留賀和倫新婚

遊子將歸日仙郎宴爾期笑如秋燕客欣賦彩鸞詩
世族傳良偶宗潢盛禮儀合歡臨玉樹連理結金
枝兩案庭前舉千秋膝下隨成人從始尅有室免無
知一住三年意生平片語時再來應不遠亦旣抱佳
兒

留別全倫

歸去寧遊倦相依已久居古人吾有負公子爾何如

匪莪草

三毛

年少翩佳貴天真爛熳餘未曾忘設醴亦稍解觀書
薪木宜加愛驅馳慎莫疏生平迂自笑臨別話非虛
秋水行舟捷春光會面舒暫時惜分手刮目待來初

寄別經倫

書劍奔馳總拂埃不關長鋏賦歸來大夫忠敬風期
古公子英華氣象巍日暮門閭應望切秋高鷗鷺漫
攀陪白眉兄弟良爲最寄別沉吟淚濕裁

寄別明菊潭

秋風拂拂動歸航翹首京華倍激昂愧挾雕蟲干宰
相聞超龍劍侍君王雲山自切蓬門望車馬頻邀
旅邸光敢道再來獻三賦爲公載績動旂常

舟次楊柳青感懷有作寄呈津郡幕友

楊柳青青驛孤舟暮水濱月明共千里雲渺隔三津
把袂思公子如蘭夢所親警宵來擊柝解纜有司晨
風浪安清境聲威仰借人劍光冲斗紫帆影挂秋新
賢主能容意諸君泛愛仁葭蒼兼露白脉脉欲霑巾
匪莪草

哭妹墓二首

適許氏有子名之炤

貧依爲命最關情一別誰知判死生姊妹花殘春意
盡庭闈日暮鬢霜盈啼門索飯憐諸弟駟馬題橋望
阿兄三十年來含積淚而今一灑雨如傾

歸來書劍冷依然雲斷低空墓草宣再去定須霑寸
祿分飢那得及重泉杜陵有妹歌猶恨班史無人續
可憐更痛遺雛啼襁褓何時知讀渭陽篇

自南歸再至天津寄呈明菊潭二首

己亥

南歸去住半年餘聞道君家疊燕胥獬服寵加領畿

輔戊冬明公奉雲麾特進菊潭陞宸居鶴

鳴聲感飛原急是時余帶五棣萼光看近日舒欲報

瓊瑤無寶劍余南歸曾受先投短句作雙魚

十年賓客髮蒼蒼再歷津門倚草堂冰水親調公子
手書塵畧振舊時床請纓弱冠慙多負得句鳴鐘興
欲狂更喜將軍善風雅敢言作賦有長楊

寄經綸二首

匪莪草

三

出門堪笑孰驅余懸榻依然自舊居蹉跌應成三折
股風塵已愧十年書魂離江浪驚還夢暑卧津雲氣
轉疏寄語日華東住者不須消渴憶相如
秋風稍待得新涼預報巾車訪玉堂老友豈煩重刮
目勞人應許直登床論文細與超三昧看劍豪能引
十觴數載去來遊未倦知君最是愛清狂

題周南喬書屋有序

余家居時素聞吾越徐公飛山周子南喬自

祖父寄居津門人文俱出一時乙未明觀察
初守是邦余從寄食自度無以進見諸鄉老
寂寂不敢聞已亥余友楊君錫瓚來館徐公
家余因見徐公學問淵源有古人風遂師之
楊君更道周子賢介謁之造其廬顏曰信天
鳥名取其自鳴自止云爾余
勞人有感而賦且以政之飛山師爲何如也
有鳥有鳥生獨殊信天信天長自呼昔聞知止於邱

匪莪草

早

隅今見靜者名其廬啣石填海口血枯可笑一羽欲
長驅淘河終日盡鎔銖祗博一餐殲多魚智小謀大
空得輿弱肉強食環剥膚信天無能無覲覲忘機泛
泛盟鷗徒時啄衆鳥波棄餘不食生物同鷗虞姚江
周子鸞鳳軀擇木析津大父初羽儀幼習近帝都
飛鳴壯志憑高梧粵東三載翔雙鳧欽化二州仁風
鋪覆巢毀卵四境無來歌何暮去卧途豈爲年老繼
二疏豈爲功成遊五湖豈爲秋風憶蓴鱸豈爲松菊

愁荒蕪信天信天頻喚諸堂有舊巢在津衢天津五
方都會區人物智巧勝三吳官長尊嚴神明符號令
必信威德敷恩斯勤斯子來胥覆之翼之父母且歸
鳥倦飛與世踈杜門却謝當道車愛蓮說太極圖家
素種花讀道書有時捋茶亦蓄租有時學語親教雛
有時自鳴臨階除有時友聲和笙竽不羨華屋羞泥
塗不羨羽化辭拮据不怨風雨人侮予不怨日暮呼
烏烏信天信天名不虛周子周子有是夫吾越鄉望
匪莠草

四十一

盛簪裾甲第髣髴津門儲自我南北始奔趨往來十
年過白駒奕棋黑白傾相於一過再過化爲墟恢恢
天道問莫須從吾所好豈欺吾杜陵野老茅屋破壞
身無居欲得廣厦千萬大庇天下寒士歡顏俱與子
襟期皆何如愧我僕僕徒至愚

天津福司馬因公渡水水牀忽陷三沉出險驚

聞慰之

庚子

水輪星使渡槎影浴淵深非玩春輕涉

時十一
月也

如驅

石載沉戰兢臣子意險難地天心何必垂堂戒長思
習坎臨

梅影疊韻四律

花影重重盡捲塵南枝素質獨畱神月明移步香仍
暗雪後和光淡倍真點額憑他妝倚鏡橫窗自覺老
隨人故園今夜同千里驛使無勞寄一春

芳心脉抱任風塵虛幌凝寒照徹神和靖吟暮空比
瘦徐熙工畫漫尋真忘形爾汝成印友寄跡蕭疎伴

匪莪草

三

古人顧盼不須憐寂寞個中已逗百花春

仙骨原來不染塵空中色相亦精神素娥玉立瑤臺
冷湘子雲橫楚水真枝向斗旋斜入暮蕊含波轉遠
窺人笑他枉說羅浮夢旭日熒熒點曉春

姍姍微步下輕塵一樣分明別有神侵鑑白宜西子
色卧水肥愧貴如真清非落紙風迎帳靜欲依簷笑
索人慎不折來殘慧影好供冷眼看生春

寄賀全倫得挑侍衛二律

飛行匹馬日邊來爲報 恩承仙仗陪豹袖爪揚申
虎拜花翎首荷稱鴻材絳帷尚想雄冠舞羽衛新趨
鳳詔催接誦手書多欸欸幾番悲喜一時廻

一從問字十年來几硯依然座右陪警曉而今非我
事披衣正好試卿材羽儀早信 天光近幽仄頻驚
歲晚催海上神山暫難合勿同兒女寸腸廻

明菊潭隨 駕南巡

六龍時幸播春膏共識將軍 扈從豪日御東南光

匪莪草

星

嶽鎮雲麾

菊潭爲雲麾使

左右壯波濤看花景美西湖勝猷

賦心懸

北闕高

是年恩科余將從天津赴闈

隨侍餘閒望幽仄

越山祇隔一江臯

題王秋浦小照送別南旋二首

憶昔成童日相携共釣遊山陰春浦道鑑水畫行舟
風景畱看樹髭髯點若虬披圖兼會面一一足追求
我面嫌常冷君姿望有神燕塵猶積雪越地早逢春
畫手工難敵歸心寫見真所親問畱滯鬢髮獨添新

赴禮闈贈全倫承過旅邸二首存一

辛丑

計偕六上太徬徨一到長安興復狂報國文章應有象盈門車馬已生光花翎拜見心微愧龍劍携看氣欲揚嚴挺有兒誰敢道定推杜老獨登床

經綸棄筆帖式官竟挑侍衛感懷自咏因步韻
和之

將相非關造化成文章豈博世人榮千秋敢笑題橋意萬里誰知投筆情家有傳書本黃石我曾賣卜是匪表草

器

君平光冲牛斗看豐劍力破滄溟識大鯨

附經綸詩

文章正自愧無成也學詩人少顯榮投筆敢多痴顧戀請纓別有細心情話殘曲折冬宵短說盡艱難蜀道平贏得閒愁逼飲量啣杯差比吸川鯨

哭弟長歌

此祭文也不成詩因余恨事故存之

辛丑之年建未月十六丑時將明發弟鏞氣絕吁嗟徂兄錡號泣收爾骨死別生難古如茲人生壽夭莫

致之家貧因作遠遊計致汝客死有獨悲憶昔同余
出門日予實遲疑防爾疾跪告阿母阻弟行男讀異
書頗知術五弟兩眼露無神三十六七歲庚辛萬一
蹉跌悔何及不如膝下姑守貧阿弟背聞嗤予妄身
長八尺力甚壯丈夫四方正其時阿兄術數恐皮相
阿母遂爲手縫線指弟囑予常訓練天津觀察賢主
人高義層雲在兄回家中困苦弟又愚年逾三十無
妻孥藉得扶持就生理數年歸來可良圖見父拜告

匪莪草

望五

勢難阻舉家走送含淚語但望雁行早飛旋暫時離
別休酸楚四月登舟風雨猝江濤與爾同出沒五月
至津暑雨侵驚魂與爾同息歇六月携爾都中遊都
中親友如雲浮八月予返觀察幕九月接爾毋淹留
來津寄居鄉祠廟且過寒冬勿哀嘯霜雪看汝身羈
栖忍淚爲汝強言笑長蘆塩運待冰泮井陘就道二
月半我亦登車赴禮闈臨岐分手獨長嘆一到京華
春色賒標梅迨吉女姓車通媒求合說情愿禮數儉

薄正孔嘉寄書父母男主張祭告祖宗定厥祥明年
約在秋月吉成雙送回拜家堂家書寄來九月到叮
啣囑弟戒輕踈生理雖微圖久長父母猶幸年未耄
天津井陘六百里七月至冬無尺鯉臘盡忽然衝寒
來弟兄見面驚又喜秋初暑餘曾病痢半月之間未
曾寐今雖愈久體氣虛面目由來覺憔悴阿弟且暫
息心神來年生理在天津潘家主人公口岸

鹽店地名弟

兄相近堪依因春風催我馬蹄急阿弟送我北關立

匪莪草

吳

阿兄此去遇 恩挑努力一官與一邑弟身此時已

復強阿兄幸勿牽肝腸家無斗粟待哺切速望捷音
報故鄉文章無術投時好同學少年多先導寸心得
失惟自知屢黜尋常復何悼 朝廷特重親民吏十
年大挑 恩數異覬覦一得衆盤桓 聖世何獨甘
廢棄牢記四月二十三潘子來書語糊含說弟病牀
淹且重京中事完請勿耽接書眼看手盡戰遣醫先
發急如箭我一就挑飛馬來囑弟寬心善安便王公

取我百里才引 見逐隊亦稱哉疾走健僕先報弟
弟喜我如棒檄回牢記五月二十二到津面見交橫
淚開口問掣何省簽一聞四川頓驚悸成都兄去大
有爲父母祿養足豐資但此遠行難久待弟病已深
恐非宜起由三月二十七感寒微覺陰凝實土著醫
生方三兒大黃一瀉脾大失常州試醫裴六豎耆朮
甘苓加大補連服十劑成滿中脘大如腰腹如鼓我
聞拔劍欲砍地天下從來本無事庸醫紛擾徒殺人

匪莪草

星

阿弟信藥太輕意元氣已虧邪在裏培之養姦攻之
地安得良手如華佗拔去根源勿藥喜糾纏閏月十
日餘日厲一日更甚初告兄官身有程限束手待斃
弟命與鵲鴿急難古所歌富貴功名欲奈何上京告
省准給假送汝歸去莫蹉跎牢記自京回津時六月
三日傍晚期泊舡翻覺神魂散畏弟消息不可知狂
奔盡氣昏叩門奄奄一息喜尚存僮僕羅迎俱哭訴
五郎幾死已數番懸梁觸地求自盡解救復蘇神蠶

蠢有鬼爲祟宜禱求或遣巫驅揚干盾余大嗔嚇諸
妄言問弟心中何含冤首言恐悞兄大事次言久病
弟亦煩吾弟不學不明理人生古來誰無死順受其
正命自天况將送汝同歸視飲食少進殘喘延忽輕
忽重轉熬煎股腹腫脹愁破裂手項尪羸怕風牽呼
兄永訣在今夕阿弟命薄何足惜兄可放心蜀道行
阿弟萬死亦悅懌兄看弟死父母如兄見父母弟與
俱哭恨六弟多暴戾臨我出門爭區區咒詛不祥果
匪莪草

哭

應兆臨死難忘對兄表好語禳祥婦女家人有大義
弟當曉兄弟闖牆外禦侮藏怒宿怨非同父六弟一
時也作爲貧死喪原隰心皆苦聽言點頭氣短噓溘
然瞑目知有余五寸之棺白布斂扶頭挽髮我手据
痛痛痛痛汝少年長苦辛痛汝壯歲爲鰥民痛汝廟
中作旅鬼痛汝短折無後人來同我來歸是柩我獨
長號汝聞否家有父母日倚門魂兮有知隨我走

入川舟次雲陽除夕示天善

倚瀨雲安縣維舟守歲時長川途盡險小子齒添痴
家盼千山遠年從此夜辭原鷓余有憾春雁爾應思
湏學椒花頌休爭爆竹嬉三朝慶泰象百里試樗姿
捧檄欣初得朝正望欲馳青雲期早致十七已男兒

題章鳳樓小照二首

壬寅

吾越甲山水相隣松竹俱錦江逢識面我月照披圖
帶劍光仍動尋芳興不孤知章醉騎馬未覺故鄉殊
萬里同爲客携家畫絕竒應門憐驥子失學愧吾兒
匪莪草

吳

色照憑疑似披臨自悅怡何如官晚者對鏡鑷絲絲

寄經綸兄弟二律

癸卯

北來南返復西馳蜀道山川險更竒萬丈灘奔聽鼓
上千梯石立蹴雲移路難行憶青蓮句愁絕長吟老
杜詩遙想惠連兄弟輩日華東住賦春池

同堂忽忽十年期一別迢迢萬里悲負米情懷應共
識折腰筋力笑余知敢云入蜀矜名士徒爲啼猿惱
夢思春雁飛飛纔北去空中那得故人詞

六月二十七日得二弟銓東旋至宜昌發書使

回喜作二首

甲辰

使自夔陵返平安消息真萬灘奔過馬三峽出如神
默念風波險欣看字畫新從知今夜夢見爾尚爲人
川險經過盡家山望日親倚閭歸夢共序雁失行類
漫喜開書札先呼問使人送行含夙淚至此滿霑巾
過錦雲書院畱簡金蘇臺二兄二律

同行入蜀幾經秋且喜他鄉仍舊遊携手峩山重步

匪莪草

辛

月披懷英井

永川縣名英井

一傾甌愧無禮數矜多士幸有

文章示我周甬上積塵已三斗暫時撲去亦風流

軒依野竹綠樽浮饌入園蔬異味幽俗吏自非嚴節
度草堂空負杜叅謀稍拘禮法寧多事偶避喧呼絕
外投少學家山同採戢清風於此足追求

送別金蘇臺東旋二律

鄉思迢迢萬里懸故人無奈又離筵浮雲變化隨今
古流水西東極地天塵幕空畱徐孺榻雪溪憶訪戴

安舡生平多少交游感把酒當君淚一宣

惆悵旂亭落日前此杯重把定何年舟依泰岳輕三

峽時金子同觀
察沈丈舟行雁望衡陽歷萬川鑑水春光歸正好

巴人歌曲去能傳所親問我爲官在心事相違愧昔

先

生天壽

小子生由蜀啼驚余髮蒼家鄉萬里遠心事百年忙
失學看兄懶成人望爾強賢愚何掛抱有愧達人行

匪莪草

至

題倪君併妻鍾氏雙照二首 乙巳

浙水多名族萍流泛蜀川經鋤遊幕遠書法外家傳
攜手鴛湖耦同登玉壘仙披真雙照眼望爾子孫賢
有子家長在殊方理亦齊百年瞻畫讚駟馬待橋題
厚俗人堪樂歸魂路欲迷吾鄉來宦者應共護靈棲

簡李約庵

昔稱蜀道難上天今來蜀道如天平昔稱蜀中多名
士我來蜀中今三年相如子雲久冥漠太白書樓何

處索三蘇故里亦空存一過拜之轉落冥偶羈英井
遇李侯襟期直向古人求功名已退卽已矣出處勿
致山靈羞意氣犖犖千人辟腹笥便便五經癖議論
勃發海風翻詩詞清絕雲霄碧蜀中名士今果有李
侯信是謫仙後吾越鑑湖君舊遊曾得一逢賀老否
薦雄文似不可知茂陵著書慎其詞蜀道自古何難
易文章有神山水奇

乙巳嘉平再篆永川先寄李約庵二律併示諸

匪莪草

五

舊

憶別山川曾幾時此來風景問何其非關借寇憑輿
論愜爲尋陶盡素期花徑舊諳香自在酒杯重把醉
難辭風流爲政敢相許心迹雙清是我師

悠悠不問去誰思赫赫無名昔在茲豈是文翁符再
剖祇須徐孺榻先移鶴歸松樹應仍遍狐聽河水空
自疑爲報英山諸父老欣看竹馬長羣兒

寄東山劉院長

擁別西關憶手携郵亭東望復來西霜葭遠覺三秋
隔岡鳳高瞻百尺栖有道門牆無偽幟不言桃李自
成蹊急思一見祛塵面早得春風引馬蹄

再篆永川過李約庵山庄承贈以詩卽步原韵

二律 丙午

舊詣花徑喜重過拍馬平橋望壁蘿非訪桃源迷渡
楫爲尋椽竹憶亭柯飲酣日翳林間薄回首雲橫隴
上多來往風流成二老虎溪笑送月翻波

匪莠草

五

傲吏塵顏爲俗牽清風撲我獨相憐折腰笑指千年

事問字欣逢再至綠韓愈文高星斗望

李贈詩有敢云太學師韓

愈之句其自道也

山濤鑑愧士人先

李贈詩有人物已歸明白鑑之句推不才也

東山琴瑟材應美

時延李君掌教東山

惟在良工一改絃

疊前韵簡李約庵併示諸生

東山有美訪頻過步履凌雲手撥蘿蒲座春風來拂
塵雨行玉樹挺交柯地因安石從遊勝詩自青蓮集
句多吾越鑑湖君舊泛幾時共逐白鷗波

滄洲更覺吏情牽回首風塵絕可憐十載愧余書未
讀諸生應與道爲緣爾衡作賦詞空世楊子談經義
過先但欲數尋彭澤飲琴中得趣不勞絃

錦雲院長鄧練江用李約庵原韵承貽二律卽

此奉答併示諸生

望移北斗駕星過命掃茅齋補屋蘿醴酒樽空慙絳
帳書牀桂發有新柯敢矜行縣花栽滿久識登門價
倍多矧看春風拂英井赤鱗直達錦江波

匪莪草

五

三年塵牘去來牽桃李盈盈自素憐豈謂剖符重化
俗鄧贈詩有文符再剖之句不敢當亦知迎榻暫時緣余再篆未川非實受也

廬陵文體原師古安定風規率士先興發會乘清夜
月山椒立馬聽歌絃

又疊前韵簡鄧練江兼示兒輩

下馬文場喜數過春風拂我步捫蘿聽鶯織錦隨花
樣伐木成材相斧柯老學共欽師道立少年應羨壯
心多此身宜早青雲致請看東流欲逝波

一官奔走爲誰牽失學從兒笑復憐庭帶經鋤荒欲

落室依蓮社幸何緣古人風誼今堪託

次兒從學鄧君

達者

心懷我愧先

杜詩有子賢與愚何其挂懷抱

敢望誦詩能解律工師

且爲指安絃

送七舍弟鎧江東歸省

丙午二月二十八日

汝來忽忽兩年過此別遙遙更奈何烏鳥不堪遊子
意鵲鴿猶念昔時歌荆開堂下歸應好雲白山顛望
正多萬里長江兩行淚一揮直送洞庭波

匪莪草

堊

歸到南湖五月天倚門落日眼當穿安憑數語同余
面險過千灘憶爾懸負米折腰行敢愧解囊無帛告
堪憐吾家貧苦心應素莫說勞人髮已宣

輓涂蕪溪老丈歸葬江南

嗣名長發號松巖與余同寅

斗南文望泰山齊忽覩星移墮蜀西松栢風摧天氣
慘蛟龍雨送峽雲低茂陵書待求遺稿鄭老詩應奉

御題寂寞不愁身後事草堂猶在浣花溪

誼聯捧檄世家通萬里傷心匍匐同

余亦丁先君憂

空約登

堂頁元伯

會約松巖
登堂拜父

遠聞歸葬哭房公蓼莪更切窮

人痛烏哺能全孝子終

余不能如
松巖迎養

欲致東芻悲隔水

孤舟併淚下江東

赴山右行次正定接經綸全倫同日遷官之信

率成二首誌喜

戊申

行憶東華信西來二妙詞鳳毛晉儀正

經綸陞
治儀正

鴻羽

漸雲麾

全倫陞
雲麾使

萬里封侯志千年報

主思長途飛

匹馬先告老夫知

匪莪草

莪

雲蒸從此變龍劍合雙持將相歸君等文章任我爲

燕山銘欲勒黃石履曾遺但望頻聞喜何辭再見遲

題許雪溪息肩圖小照

名寶仁

昔見松江許御史氣接春風神秋水一別都門十七

年三晉雲山遇樵子肩薪息下抱膝吟斗酒飲盡慵

未起棕鞋竹笠非繡衣神氣欲活宛相似座間面照

圖中人圖中之人乃其弟御史已賦歸去來君獨胡

爲乎在此逍遙帥府亦息肩得免折腰卽高士白頭

尚愧常奔趨行行萬里且復始君不見吾越雲門若
邪溪朝南暮北樵風寺中有古仙同此圖箕踞白眼

長笑視

雪溪胞兄名寶善
官御史告歸終養

自晉南歸將赴四川感懷百韵寄別都中經綸
和倫全倫併畱示貴倫兄弟輩

負痛伊蒿草垂衰兩鬢霜何仍來幕下倏又別途長
賢主原懷舊諸君更遠望數年增旅况十載憶同堂
偶晤顏經過更深話未央佳哉青冑衆最是白眉良
匪莪草

七

古誼余多忝新詩子獨將合離前莫定心事久難忘
自昔居童丱交遊近老蒼响碑探禹穴斯篆笑秦皇
鑑水形分澈蘭亭迹步香讀書求巨眼餐雪礪柔腸
列陣頻爭幟研帷數困囊希文期任重原憲視貧常
落寞思猶壯飛鳴氣乍揚暗衿頗挺出從詡此騰驤
俊杰齊京邸崢嶸盡國光衣冠安朴素翰墨絕奔
忙只信魚吞直非關翅折傷表遺行色敝足慎相門
妨夙仰中丞座曾邀古北疆

辛卯余下第明公時爲
入溝司馬邀余到署

同車乘四牡携手度雙梁青赤奇呈石

出古北口有青石紅石梁

烟花麗繞岡清塵連漠野

避暑聳山莊署殿平泉

境

八溝署有泉今名平泉縣

軒開五月涼芝蘭庭挹秀弟子禮成

行舞拂雄冠劍歌流絳帳觴秋高觀射獵馬上語文

章廟峙蘇卿古坟埋李氏荒因知極邊塞有道固金

湯彈鋏初歸去吹竽復頡頏津門分析木渤海接滄

浪懸榻招徐孺還珠就孟嘗大蘇飽經術

經綸行大

小陸

續鏗鏘

貴倫時幼

刮目驚重見尋春興倍昂

行宮紅樹

匪莪草

五

裏走馬畫橋傍倒墮廻呼急扶高尚闢強千艘看海

貝萬舶數漕糧並俯龜鼉窟聯翩錦繡坊情非耽玩

賞貌似學清狂薄力陪鷗鷺奇毛識鳳凰世家賢繼

起次第奮翱翔翠羽

恩榮荷干城

禁衛當泥塗

辱駑鈍霄漢耀星芒投筆悲生意窮愁竄故鄉幾疑

心得失那問舌存亡銘佩牢宜求彈冠喜可慶勞人

偏入蜀白首始爲郎萬里雲橫棧中庭日暮桑烏私

營返哺燕遠盼悽惶處處三聲淚飄飄一葦杭懷才

憐屈賈作賦弔衡湘帝子從虞舜神巫誑楚王象軀
堆灩澦魚腹峽瞿塘盤曲蠶叢逼歛危鳥道防天空

低玉壘地濶到華陽錦里官俱集花溪水一方未嫻

投刺謁先習折腰妝諸葛嚴威治文翁雅化彰樛姿

供歷試傳舍給趨蹌英井泉寒冽末川縣名英井峩眉月渺

茫花陰栽欲滿琴調幾更張每念金華省遙吟粉署

牆傳書稀過雁把袂記垂楊鳧鳥心翻影鵲啼血染

裳西南苦畱滯河洛病蒼黃司馬遷見父于河洛受遺未訣余不能及也

匪莪草

堯

匍匐身何有親朋面不遑儼然在憂服遽爾騁游緼

枕塊甘饘粥尸囊急稻梁癸庚呼孰諾齊魯好徒相

日向長安近寒衝雨雪雱招魂環些些涕泗各湯湯

共坐依燈燭沾唇略酒漿盤飧羅素席毳疊屏牀

感激孤兒契經綸亦孤兒也生平謂我臧義形詞與邑勢屈

慨當慷開府雄三晉羣英報七襄縱橫嗤趙魏勤儉

緬陶唐歸化通諸域偏關歛彼羗山西有歸化城偏頭關皆西域貢道

元戎彌震赫叔度本汪洋設醴迎虛左畱賓掃壁廂

梁錢優達藝許李善劬勳梁錢許李四人同幕友也分謝忝謀辟

籌辭借箸商課童隨問答求古愧精詳兆親年豐瑞

丁未冬月晉地得大雪數次共慶來年屢豐兆瑞欣逢海定詳丙午臘月臺匪作亂戊申

二月蕩平之匆匆暫栖托忽忽促催裝重輓浮川筏輕登

返越航半生餘事業獨立計行藏慈母能安素愚兒

不植僵晨昏湏祿養去住總傍徨 聖世躬寧棄微

官責易償敢愁仍泛梗或愛舊甘棠吏卧滄江晚班

聯 上苑芳雲麾鴻已漸全倫治儀正遷雲麾使儀正鶴難量

匪莪草

經綸和倫皆治儀正寶猷千秋鏡精儲百鍊剛相期偕努力翹

首望榮昌將相誠公等 朝廷實紀綱成都雖卜好

王路願遵康爲告羣騏驥應思老驢躡朔風吹冀

北終覲倚 巖廊

附經綸步韻寄送詩

都門重見日隔面幾經霜暫叙離思罷仍歌別恨

長行旌他處送立馬遠郊望道誼輝千古琴書冷

一堂春風祇信宿秋水苑中央此去前程好何時

再會良十年頻聚散百韻遠相將耿耿心同結依
依語敢忘會稽南斗重禹穴古松蒼境擅蓬萊勝
文遺玉帛皇靈區鍾秀異令德發馨香挺特仙爲
骨清華俗洗腸諸生醇學術大雅富詩囊筆落神
胥動詞成法有常策儲兼賈董賦選敵班揚變豹
雲蒸蔚游龍氣躍驤越東名獨步魏闕志觀光
霄漢憑鸞聳藩籬任燕忙只懷珍自信未獻璞何
傷哲匠門無棄樗姿見豈妨問津依析木出塞逐

匪莪草

空

巖疆斗室蘭盈座書巢杏作梁釣鰲臨北海射虎
越南岡鹿洞真連社魚村或借莊談經懸日月味
史鑒炎涼媿媿周羣季循循引我行絳帷偏黜樂
醴酒畧稱觴鍾應隨虛叩虫吟愧報章顏塵祛復
積蹊徑介旋荒投筆寧紆策煎心似沸湯微材聊
小試弱羽亦差煩送喜交悲集來書接淚浪上云
恩莫負次語瞻湏管首荷花翎寵腰鳴珮玉鏘
先公從地慰代種本駒昂每事馳驅下時親几硯

傍素懷知汝器努力勉而強

原註自首荷花翎至此皆夫子來書所示

侍立空留雪從遊絕裏糧尚逢京旅邸還謁錦雞坊往過偕童冠從容次狷狂欣依樓駐鶴莫攀樹栖凰捧檄西川邈飛鳧百里翔鳳雛疑稍屈驥展問誰當處趙錐初穎埋豐劍始芒雄登天府國雅入水雲鄉李守功堪繼文翁化未亡嚴威端本治惠澤積流慶愛聽民稱母尊瞻宿應郎棧修平鳥道叢闢廣蠶桑丞相祠森穆幽人拜悚惶使非諭

匪莪草

三

巴蜀景直美蘇杭地利通秦隴江聲走楚湘啼號咷望帝疏鑿仰前王城繞芙蓉岸堆浮灩澦塘滄洲供吏隱清署善官防部屋皆冬日花陰遍夕陽相如鷓裘白杜老葛巾方錦里春濃色峩眉月淡妝衝衢優卧理原註永川縣係川東大道治行紀循彰大府咨謀畫班寮服濟蹒索居勞夢寐翹首向蒼茫驛使逢梅寄巴箋染翰張重關深劍閣數仞阻宮牆忽忽驚單騎蕭蕭歷遠楊蓬飛宣鬢髮戎墨短裘裳

烏哺違終養椿靈落隕黃王哀誠抱痛重耳却奔
遑倒屣趨扶杖呼童急控繯未沽燕市酒先熟玉
田梁於悒言翻塞含悽視默相蓼莪應共廢涕泗
各其雱况倍孤兒感同哀逝水湯原註經早失父
併母感觸痛心
無貨助舟麥薄義奠壺漿叔父遙開府諸昆列滿
牀故交原望切西指卜行臧接札詞肫摯迎賓意
慨慷并州分冀沃禹蹟定懷襄俗富由韓魏風淳
自晉唐伏臣羈獫狁納貢率氏羌才子宜叅慕行

匪莪草

奎

車異望洋久懸高士榻已淨讀書廂可但資文藝
應多藉贊勩門庭衆桃李晨夕獨參商幸示周行
數無從問字詳餘情哀習禮禪吉慶除祥雁過傳
歸信騶鳴告速裝蒼生起安石歐母奉慈航膝下
堪歎羨池中豈久藏龔黃肩比美籍湜汗流僵祖
席私衷歉明星兩地徨生平多少話懷抱幾時償
舊歷成都肆新添召伯棠兒童迎素識山水待餘
芳公廨風琴暇農郊晴雨量典型猶夙昔膂力正

方剛試買君平卜洵占敬仲昌親民惟令宰

皇國實之綱那免羣分嘆從徵道濟康千秋鴻寶

鑑萬里駿蹄驪顧盼雄心在先期俟 廟廊

重過天津追悼亡弟錄

津門重過一潸然此地追哀有七年旅櫬早携南國
返飛鴿仍向北原旋淒涼舊館新秋草縹緲游魂渤
海烟欲待再招招不得浮家萬里入西川

駐東省逢馮克鞏同寅招飲古歷亭卽席感懷

匪莪草

齋

率成二律簡謝

錦水同舟憶畫圖車逢歷下又相呼將軍樹暎馮公

子馮因父任山東臬司告假來視

北海樽移蜀大夫

馮本四川州同今陞開州知州

幕府才能盛良會羈栖落寞頓忘孤座中敢告蓬萊

吏

時歷城宰沈子在席

過客今朝識此湖

濟南名士訪難追海右名亭古在茲清興眞陪員外

燕老杜陪李北海飲員外新亭卽此

高歌且讀少陵詩月沉猶自車

投轄露白從他鬢點絲乘曉同君凌泰頂俯看一笑

醉何知

於胡使君書巢讀袁太史子才文集率成二律

題後以見余傾倒於袁者至矣

胡名德琳原任登州府

奇才卓識絕羣倫直筆居然古史臣一氣雲空天馬迹千尋樹結老龍鱗茂陵尚愧言封禪宣室徒驚語鬼神 聖代百年重文獻而今海內有斯人

南斗星瞻五十年東山探穴得竒編放翁屋有書巢富坡老文真海外仙二妙風流皆絕世三生遇合我

匪莪草

奎

何緣回車直指金陵道

袁住南京

倚馬于題寶劍篇

讀袁子才太史爲妹胡恭人墓誌銘有感題後

卽作輓章二律

鴻文偉論發幽情列女從添古傳成蘇氏猶多廻錦字大家不幸續才名書巢作室同夫子史筆爲銘有阿兄丹石光輝青塚色花開姊妹共長生

讀書每感况天倫遷史能文更有神點綴絕無脂粉污歌呼祇是性情真難禁老鶴添孤淚應並娥碑動

後人痛我妹魂荒瘞草愧無椽筆掃幽塵

示甥之炤二絕

十年忽見汝身長汝母應添墓草荒最是白頭外祖

母依依聲口叫阿娘

余妹亡之炤甫生十月卽依余母養至今尚呼外祖母爲親娘

江總原來養外家魏舒相宅望應賒無從魂夢知娘

面敢有詩名似舅誇

將赴川先寄陸大桐二首

大桐素在吾門炤川爲余經紀眷屬

忽忽三年過迢迢萬里情滯留貽汝累奔走痛余生

匪莪草

奕

月向中秋滿霜含宿草盈早思當會面一聲淚縱橫

西東正懸望欸欸接來詞舍弟貧無恙愚兒學稍知

鬢毛歸更白心力勉能持負母從長道母愁見日遲

赴川畱別越中諸親友四律

匍匐餘生已二毛三年逝水忽滔滔讀我自抱終天

恨捧檄難忘有母勞川足稻梁謀易供越畱薪膽舊

能捺千灘直奉慈航上回首鄉雲萬疊高

歸來忽忽別匆匆話訴離情淚未終韓氏外家多寂

奠余母族趙氏已絕妻族金氏僅一線鮑生知我自兒童每思一飯依

江上那致長吟老蜀中祇是西東五十口急驅帆影

挂秋風

童遊出入視芳隣父執於今有幾人沈叟猶能書韻

譜沈丈名任翁尚欲釣鯨鱗任丈名老成見面風添

古遠宦辭鄉意倍親一到成都梅正放應先寄問越

中春

文陣曾經百戰疲戴山老友最堪思塵埃已作荒經

匪莠草

空

吏奔走還慚失學兒此去應完半生事再歸定十

年期加餐敢負諸君望策竹清樽待共持戴山有策竹亭

